

商務印書館分館廣告

上海商務印書館有限公司分設東京 奉天 漢口 廣州 福州 開封 成都 重慶 天津 濟南 青島 煙台 營口 大連 哈爾濱 長春 西安 蘭州 迪化 庫倫 歸化 綏遠 包頭 張家口 歸綏 多倫 滿洲里 海拉爾 齊齊哈爾 海倫 洮安 通榆 乾安 扶餘 大安 洮南 瞻榆 鎮賚 德惠 九台 農安 梨樹 懷德 雙陽 伊通 德惠 九台 農安 梨樹 懷德 雙陽 伊通 德惠 九台 農安 梨樹 懷德 雙陽 伊通

日本法規大全預約廣告
本館承辦日本法規大全預約廣告。該書係日本法律專家編纂，內容詳盡，為研究日本法律之必備參考。現已出版多卷，預約從速。預約價目如下：
全書預約價：一百五十元
分卷預約價：每卷二十元
預約截止日期：一月三十日
預約地點：天津商務印書館分館

立憲紀念
本館為紀念立憲運動，特出版《立憲紀念》一書。該書收錄了立憲運動之重要文獻，為研究立憲運動之重要參考。現已出版，預約從速。預約價目如下：
全書預約價：三十元
預約截止日期：一月三十日
預約地點：天津商務印書館分館

廣東人參丸

本堂丸散膏丹，選料精良，功效神速。凡患虛弱、氣血不足、精神不振者，服之立見奇效。本堂地址：天津法界。

參茸衛生丸	每料每丸銀一元
參茸再造丸	每料每丸銀一元
參茸白鳳丸	每料每丸銀一元
參茸回春丸	每料每丸銀一元
參茸戒煙丸	每料每丸銀一元
參茸正氣丸	每料每丸銀一元

日本圖書目錄

大清國憲法	一元五角
大清國刑法	一元五角
大清國民法	一元五角
大清國商法	一元五角
大清國行政法	一元五角
大清國訴訟法	一元五角
大清國國際法	一元五角
大清國經濟法	一元五角
大清國社會法	一元五角
大清國教育法	一元五角
大清國衛生法	一元五角
大清國警察法	一元五角
大清國軍刑法	一元五角
大清國軍民法	一元五角
大清國軍商法	一元五角
大清國軍行政法	一元五角
大清國軍訴訟法	一元五角
大清國軍國際法	一元五角
大清國軍經濟法	一元五角
大清國軍社會法	一元五角
大清國軍教育法	一元五角
大清國軍衛生法	一元五角
大清國軍警察法	一元五角

天津分局廣告

本分局承辦各項商務，信譽昭著。現已遷至新址，歡迎各界光臨。地址：天津法界。

華興茶園

本園名茶，品質優良，價格公道。歡迎各界光臨選購。地址：天津法界。

新招租房

本處現有新房出租，環境優美，交通便利。歡迎各界光臨。地址：天津法界。

新兼開南號售
男女洋鞋
上足女鞋
天式鑲鞋
時式鑲鞋

京津女鞋
南北樣鞋
放腳女鞋
玩童花鞋

常州梳篦
麻雀骨牌
漢口煙袋
各色香粉

牛骨髓粉
天九骨牌
象牙寶殼
燕窩糖精

本號電話二四九號(分)
南號設天津宮北大獅子胡同公益仁南味坊老號啓
北號東北馬路單街口對過

北京新聞

●京師建築鐵路 日前豫省紳商等擬籌措股款建築由開封至蘇州一段鐵路所有股款悉由本省籌集不招外股已聯名具稟郵傳部聞已批准

●派定初級師範學堂教員 宛平縣設立初級師範學堂現已成立日前特由順天府孫大京兆咨行直隸提學使懇請選派教員以便開學刻聞盧學憲已派定留學日本師範畢業生聞君桂馨充該堂總教習已於日前到堂授課矣

●批准設立染織公司 職商謝日庫具稟農工商部擬在秦州東海安鎮王家樓地方設立染織公司一區暫行試辦俟著有成效再為次第擴充請為立案已遞部署批准矣

●譯學館開學 譯學館日前考取丁班學生已取定三百名茲該堂業於二十六日開學

●大理院正卿近日與各司員會商擬在內城組織豫豫廳一區專司裁判事宜現正商訂辦法俟商定後即行具奏請 旨開辦

●擬派員調查邊省警務 南洋各省警務前由民政部派舒部前往調查現在各堂以山陝伊新各處地居邊隅風俗偏僻尤須整頓警政以期保持治安現擬再由本部派委專員親歷各省逐加調查俾即切實改良以重要政

●籌畫勸學所之辦法 內外城勸學所九區已一律開辦茲聞各區所訂辦法係擬於年內先將所有私塾調查清楚併先頒給改良教育宗旨其他事項以及附設宣講所等情須至明春方可籌辦

●附設女工廠 淨土寺慧仙女士設立女學堂一區已經成立現又擬附設女工廠出示招生以備定期開辦

●擬設元氏女學 近有某君在箭廠胡同組織元氏女學一所所有一切章程業經就緒聞定額四十名招考女生限至十二月十五日截止

●八旗公學將次成立 法部崇秋園部現任聯合各旗參領設立公學一區以期教育普及現在各旗已均認籌款會訂章程不日即呈部立案定期招生矣

●徐尙書擬巡視警區 民政部徐尙書日前對丞參暨外城廳丞云外城自分區開辦以來尚未週視擬候查辦事件料理清楚於月底月初須到外城各分廳區所考察內容云云

●度支部電詢浙省銅元 度支部日前電詢浙撫張中丞迅將浙省停鑄銅元現存銅若干查明速覆茲聞浙撫覆電云浙廠存銅一萬餘担原奏變價抵欠須受虧累故又奏明儘數鑄鑄莫可收回原價償從前挪借庫款商款現已將次鑄竣並無餘存及定購未運銅元云

●飭飭鐵路工案卷 民政部現在辦理各段路工報銷昨由警政司片飭內城前工巡局將所存路工各項案卷應即檢齊交部以便彙銷派員親赴總局檢查

本省新聞

●陳侍郎補調隨員 考查銅幣大臣陳侍郎壁曾奏度支部主事王伊曾為隨員昨王改派營口銀行總辦不克前往聞陳侍郎又奏調主事許汝霖隨同往查

●內城總廳自開辦以來規模雖經草創而秩序尚未整齊祇緣部廳同署辦公屋宇湫隘偏促一隅而欲展施莫由措手幸在事各員夙夕從公得以免於阻越然長此不改終恐生叢脞而致稽延現民政部業已遷移新署辦公處所餘地應妥為部署遵照頒定治事章程暨辦公時刻實力奉行以資整理昨總廳飭分廳分區亦應一律遵辦各處警官委員宜按時入署各勤厥職云云

計開規則

(一)總分廳區鐘表每日正午時由總廳機要股校電傳各處按時改正以歸一律(二)每日辦公時刻春冬兩季午前自九點鐘起至十一點鐘止午後自二點鐘起至五點鐘止夏秋兩季午前自八點鐘起至十一點鐘止午後自二點鐘起至六點鐘止(三)辦公時刻專指尋常在署辦公而言遇有特別事項或奉派外出者不在此限(四)在辦公時刻內不得無故不到非有公事不得圍坐閒談(五)各員有要事不到或外出時須先時請假(六)值宿員於值宿日期須晝夜在公雖非辦公時刻亦不得擅離(七)已逾辦公時刻遇有緊急公事即由值宿員暫行代理事後仍將辦理原委告知該管各員(八)職員每旬准各休息一日按照各處員數排定班次惟每旬不得有兩員同日休息(九)各區委員於辦公時刻亦應在區辦公而以餘時巡視所轄地面

●藩台示 委署滿完管河縣丞成緒患病請假遺缺輪委河工試用縣丞邵昌祺署理

●直隸土藥稅局示文(為私運土藥事) 奉 督辦各省土藥稅局總局憲札開據江皖土藥稅局道憲據駐徐提調洪守稟稱查部頒印花章程第一條內如已貼印花而無專照執照稅單及有專照執照稅單而未貼印花者即係分開取巧查出充公又第一條每土一箱填給執照一張或專照一張或稅單一張各等語向來徐土每大箱裝四十包小箱裝二十包客商取購土藥起運在途則有稅單執照為憑及運批銷地非交換箱單不准出售立法已極周密惟每箱僅止一單而土藥有四十包及二十包之多成包分銷箱單難分自以專憑包上印花為憑之確據惟各商販因未著明文又見有花無單充公之條總慮慮故為此思慮預防之計況徐土風有蓋戳舊章收稅尤以恤商為本業由知府酌定落地分銷箱單難分成包出售印花為憑十六字戳記通飭各局員刊刻紅藍並行填運各驗卡一體查照以順商情而備查驗新轉稟立案等情據此職道查徐土裝箱運到銷地啓箱分售箱單難分該守酌定十六字循舊加蓋戳記專以包上印花為憑核與部章並不相悖應如所稟辦理合轉稟等情到本總局據此除批據稟已悉土藥落地啓箱分售等情難分自應照舊辦理所請循舊加蓋戳記等語一法尚屬可行擬定之十六字亦極簡當應准立案惟此等分包裝蓋之土只准落地銷售不准私運出境仰即通飭各卡知照繳印發外查各省情形相同合行通飭仿照徐州辦法由各土店就近報明各局卡查驗逐包加蓋十六字戳記以便稽查惟仍不准私運出省以示限制為此札仰該局查照出示曉諭並轉飭各分卡一體遵照勿違特札等因到本局奉此除轉飭各分卡一體遵照外合行出示曉諭為此示仰該土商人等知悉爾等嗣後如有整箱土藥已繳稅稅單換貼箱單運至銷地啓箱後倘欲成包分售准就近報明所在各局卡查驗明確逐包加蓋十六字戳記以備稽查仍不准私運出境致滋弊混其各遵照勿違切切特示

●招募兵丁 續備軍隊官把總尹清苑縣孟會銜出示云案准招募兵隊官尹移開為移會案照續備軍官長職守章程內載各鎮續募之兵應由各駐弁會同州縣出示照章招募土民以備入營訓練並將招募數目按月申報等因所有招募之兵總以貌相端正身體強健年在十八歲以上二十五歲以內為合格共招募五十名為額俟彙齊申報各鎮派員前來驗帶移請出示招募等因准此合行出示曉諭為此示仰屬紳民人等知悉如有情願充兵者即赴南門內西北路北兵處尹公館報名驗收勿得觀望自誤其各遵照勿違切切特示

●稟入法政學堂 藩署法政學堂呈請前據大名縣申送附生李貴三在藩報投考法政查該生情願自備資斧入堂肄業仰候彙齊定期考試可也此示又△安肅縣附生詹翰周前在藩報投考法政查該生有志求學仰候彙齊定期考試可也

●學員暫歸旁聽 藩台示照得此次考試官班及自費各員所有試卷詳加校閱合行甄錄為此仰各員即行來堂惟因停課在邇應暫隨甲班旁聽俟明正開學再行分班肄業此示計開 超等二名 巡檢程世鵬 縣丞張剛則 特等三名 縣丞文續慶 附生凌 魁黑龍江自費生 知縣吉人

各省新聞

●東三省

●諭兌銅元數目 蓋平商會以本邑現錢缺乏稟由農工商務局轉咨銀元局請以銀元三萬元兌換銅元以資接濟銀元局圖遠慮迭次請領省城各商履歷兌換目下僅能發兌銅元二百萬枚已由商務局轉飭該會遵照

●教育官練習所開辦 學務公所附設教育官練習所延聘日人榎元半重為講員已誌前報茲聞於二十八日開講屆時井請軍師降臨演說以昭鄭重

●札派實業調查所所長 農工商部附設實業調查所所長聞在日訪得法政大學畢業生李鍾奇學問優長堪膺斯選已由該局呈請趙軍帥加札委派

●山東

●募兵送省 新城李大令以上年所勸募常備兵刻因缺額甚多昨即傳諭紳董勸募現已將考選合格者二十名於初六日由長山鄒平章邱送省垣矣

●德員回青 青島德員署參贊柏和瑞氏前於西六月間告假返國現假期已滿業於日前由本國附輪回青督署視事

●新設煤油棧 濰縣境內近年洋油極為暢銷販此者頗獲厚利刻青島瑞記洋行在該縣火車站附近修建貨倉洋油運由火車自青運往銷售云

●江蘇

●署淮揚道楊觀察蘇撫電(為村董復吞急賑事) 飢民近更加多無地可容連日赴廠百方開導勸其回家就賑迄無應者詰其何故則云本年急賑均被村董侵吞未得實惠回家仍要餓斃明知冬賑有款亦領不到情願就養浦廠決不回去情詞慘切萬眾同聲職道查飢民所言均係實情聞安桃海流域內十室九空幾無戶口可查一誤於地方官之不早辦賑二誤於村董之侵吞以致流亡日眾注重於清江一處此等村董天良喪盡實堪髮指非置重典不足以謝子遺災黎清河村董尤壞已飭縣確查拿辦嚴飭各屬一體究懲亦為億萬哀鴻稍抒隱痛候示遵

●蘇撫復電 飢民情詞迫切不忍聞村董毫無天良令人髮指希即嚴飭各屬查明散放急賑何人經手據實稟明提浦訊究從嚴懲辦以示儆戒地方官如敢徇庇即由執事揭發勿稍姑息為要除分電稟道外特復 按徐淮水災目下苦無賑款更何堪村董從而侵吞之然而記者之所聞實獨村董獨擅村董

●擬築京畿鐵路 駐鎮滬甯鐵路工程司巴克君以鎮江自租界至京畿鐵路車站處除租界馬路向屬寬敞外其餘地方多半狹窄不願於鐵路利益有礙現擬由鐵路工程處代為改築馬路修整加寬利便行旅一應工程均由鐵路肩任已函商鎮關酌辦

●安徽

●匯解留日官學生經費 皖撫恩中丞頃准學部咨開以各省派送官學生留日肄業每名計四百元與四百五十元不等皖省所送官學生若干名數此項經費務請從速匯解駐日欽使藉敷遊學費用刻據辦已飭司如數措齊匯往矣

各國新聞

●日本內務大臣聲明封禁報 日本內務省大臣在官報聲明美國卡爾佛尼亞省某日本革命報業已封禁因此報聲動亂黨謀刺美總統羅斯福云 譯上海字林西報

●英陸軍預備大操 倫敦電云英陸軍部預備今年秋季舉行大操所用之款約需英金十五萬鎊會操之兵共有五萬名開海軍亦從而會操云 譯上海字林西報

●日本進出口貨物之調查 日本東京電云一千九百零六年日本進出口貨物共值日金四萬二千五百二十九萬三千三百四十八元進出口貨則值日金四萬一千八百四十七萬一千四百零一元較諸一千九百零五年共增加六千九百七十萬九千九百九十八元零 譯上海字林西報

●日皇族受賞 日本海陸兩軍之大將蒙日皇賜大勳章已紀前報茲又探悉皇族之受賞者照錄如左 陸軍少將海軍少將大勳位 嘉仁親王 叙功三級授全勳章 陸軍大將大勳位功三級 貞愛親王 叙功二級授勳章(同上) 陸軍大將大勳位功四級 威仁親王 叙功三級授勳章(同上) 陸軍中將大勳位功四級 載仁親王 叙功二級授勳章(同上) 海軍大佐大勳位功五級 依仁親王 叙功三級授勳章(同上) 海軍少佐大勳位 博恭王 叙功四級授勳章(同上) 海軍中佐大勳位功五級 菊麿王 叙功四級授勳章(同上) 陸軍步兵少佐大勳位 邦彥王 叙功四級授勳章(同上) 陸軍步兵少佐大勳位 守正王 叙功四級授勳章(同上) 陸軍騎兵中尉勳一等 恒久王 叙功五級授勳章(同上) 譯日本報

●英海軍部慎重港口 倫敦電云英國海軍部現在諭告海軍各員謂當海軍大操之時或英國與列強之邦交關係危急之際所有本國或在外國海軍各港口夜間均須鎖閉云 譯上海字林西報

●日本鐵道植木防雪 日本奧羽鐵路軌線在中山形弘一帶每屆冬令西北風力甚烈降雪之際軌線四處積雪極多火車轉運殊形不便近經鐵道作業局照會秋田大林區署擬植防雪之樹木於鐵軌兩傍聞所植樹者係杉樹等樹於十五年後即可遮護鐵軌云 譯上海字林西報

●韓國專使歸京 韓皇前派赴日本致謝之專使李大臣址鎔近已由日本啓程回國於昨日率同隨從人等行抵韓國大邱地方並未停留即行入京覆命 譯上海字林西報

●美派艦隊赴古巴 日本東京接舊金山電云美政府近日又派極大艦隊集於古巴近海一帶云 譯上海太晤士報

奏議

江北提督奏遵章設立督練公所

並糧餉軍械軍醫等局摺

為遵照定章設立督練公所並糧餉軍械軍醫等局謹將擬定人員名額薪水公費繕具清單恭摺仰祈 聖鑒事竊查光緒

三十年八月間練兵處兵部會同 奏定營制餉章一案內開各省新軍練及一協以上者應設立督練公所一處考核變革各事宜弁兵夫均按所定之案簡由督辦酌定人數奏咨立案等因咨行遵辦江北改設提督率 旨先成一鎮經前督臣劉永慶 命南來欽遵辦理其時營制之改革新軍之籌畫端緒已極紛紜嗣又經練兵處奏准將督練公所十三協移駐江北訓練軍事形勢繁重遂於本年正月間遵照定章設立督練公所以為綜核軍政之樞紐內分三處曰兵備曰參謀曰教練選派熟悉兵學人員分股辦事各專責成略具規模未及奏報奴才抵任後復按一鎮軍練詳加考核並參酌南北洋現行章制損益釐訂暫行章程現在未成鎮以前三處額設人員應先分別事務繁簡或派專員或令兼攝人不必備以節縮軍需俟將來全鎮告成再照定章補足隨時由奴才奏明辦理惟鎮協雖屬不同而局所不能不設儲待轉輸之無缺則糧餉貴有專司也朽備苦慮之是虞則軍械貴有專責也損傷疾苦之不時則軍醫貴有預備也凡此三局亦經照章分設事派員第以符用為度以仰副 朝廷整頓新軍經營籌餉之至意所有江北遵設督練公所並糧餉軍械軍醫等局擬定人員名額薪水公費緣由繕具清單恭呈 御覽懇 恩飭下陸軍部度支部立案除分咨查照外謹繕摺具陳伏乞 皇太后 皇上聖鑒訓示謹 奏奉 硃批陸軍部度支部知道單片併發欽此謹將督練公所並糧餉軍械軍醫等局人員名額薪水公費清單呈 御覽 計開 督練公所 該公所為軍政總樞之區舉凡施行軍政整頓章程制策戰守訓練教育各事皆隸焉其所屬分為三處曰兵備曰參謀曰教練事務繁簡不同設員多寡亦異所有編定人員名額開列如下 督辦一員 參議二員 文案二員 先鋒官四員 支發委員一員 清書四員 馬弁四名 護兵十六名 長伙夫八名 兵備處 該處專承督辦施行軍政凡核定章程制籌備軍儲各事皆隸焉其所屬分為五股曰考功曰執法曰籌備曰軍需曰醫務 總辦一員 幫辦一員 文案二員 清書二員 護兵四名 長伙夫四名 考功股 提調一員 委員一員 文案一員 清書一名 執法股 提調一員 委員一員 文案一員 清書一名 籌備股 提調一員 委員一員 文案一員 清書一名 軍需股 提調一員 委員一員 文案一員 清書一名 醫務股 提調一員 委員一員 文案一員 清書一名 參謀處 該處專承督辦策畫戰守凡用兵方畧測繪地圖各事皆隸焉其所屬分為二股曰謀略曰測繪 總辦一員 幫辦一員 文案一員 清書一名 護兵四名 長伙夫四名 謀略股 提調一員 委員一員 文案一員 清書一名 測繪股 提調一員 委員一員 文案一員 清書一名 教練處 該處專承督辦施行教育凡教練軍隊學堂纂定教科書籍各事皆隸焉其所屬分為兩股曰教育曰校兵 總辦一員 幫辦一員 文案一員 清書二名 護兵四名 長伙夫四名 教育股 提調一員 委員一員 文案一員 清書一名 繪圖司事二名 司書生二名 石印工一員 清書一名

文苑

輓弟子凌淑姑

啼鴒催春苦不停。頰花何處蘆芳靈。海天風雪寒無限。昨夜新沈女史星。

遺卷重看淚幾回。文辭斐嫻惜清才。寒風悄引簾帷動。猶認珊瑚

小說

二十年後之天津(續)

第十七回 猛雷震摧陷芙蓉城 新文明輸入胭脂隊 如此看來。輕薄花枝。頗生懺悔。近聞某班某堂。有願脫半籠。隨昆侖奴去者。有求脫不得。吞阿芙蓉死者。錢樹既倒。新聲忽稀。不必琴操參禪。而已冷落門前車馬矣。北里荒涼。非復舊時絳管之盛。

此其中原因有二。一由於實行禁煙。妓館不准備煙供客。亦不准客携煙來。凡風月中人。大都煙霞中人。即絕無煙癮者。亦往往愛對一燈。藉作倚香倚玉。今既不准陳設煙具。未免興趣索然。枇杷依舊。門巷秋風。賦是之故。

一由於寶鏡開。珠簾捲。鎮日愁中恨裏。蛾眉一笑。竟比河清。即或當場獻曲。強撥銅琶。憂鬱之思。隨音聲以流露。落花無言。人猶如菊。狂蜂浪蝶。對此冰霜冷面。恐亦雅興闌珊矣。但見淚痕濕。不知心恨誰。

此中人向以蓮瓣雙鈎。為石榴裙下無上妙品。近頗有入天足會者。經會中演說家再三勸導。謂女子朱唇粉頰。專為媚悅之計。已屬可恥。更欲藉貼地紅菱。供人玩賞。而己乃斷筋折骨。自伍於廢人。不知是何居心。予昨聞友人自某香巢來者。謂若輩已弓鞋拋却。盡着鳥靴矣。六寸圓膚。別饒雅致。當不至再歌行路難也。

有某妓。豪於貨。出生平所蓄之纏頭金。組織一女學校。凡花世界中之力能捐助者。無不脫銀鉤以贊成之。經費既充。乞舊時客之熱心學界者。為之聘教員。訂堂規。分課程。經營三閱月。而學校成立。率曩日教歌習舞之好女兒。俾受完全之教育。是舉也。為天津學界女界所公認。三千粉黛。不啻洗龜尾泥塗之辱。而上貢明堂矣。崔護重來。慎無尋人面桃花。再向西施唐突也。欲知後事如何。且聽下回分解。

本埠進口貨物調查表

(由泰王島) 景星輪船十一月二十五日由上海進口貨物

美國本色粗布五千七百疋	美國本色斜紋布四千二百八十疋
美國本色布二千六百二十疋	棉花三十包
掛絲布二千三百疋	嗎呢一百疋
油漆一百二十六担	竹器十九件
牛奶二十二件	皮箱七件
二號紙二十担	頭號紙三十三担
鋼線一千五百打	紙扇六件
雜貨六十八件	外國燒酒十五件

